

مکرمات

ادبی و سیاسی رسالهٔ اسبوعیه در

۳۱ نجی سه

۱۲ صفر ۱۳۳۰

پنجشنبه

جزو عدد : ۱۳۲

حکومات معظمه دن باشلیجه لرینک مصارف بحریه سی

آمریقا بحریه نظارتی طرفدن مؤخر آ، دول معظمه دن باشلیجه لرینک قوای بحریه لری ایچون اختیار ایتدکلری مصارف ایله مصارف مذکورہ نیکدیگریله مقایسه سی مبین مفید بررساله نشر ایدلمشدر .

مملکت مزده قوای بحریه نیک درجه لزوم و اهمیتی تقدیر ایدلمک باشلا بیرهق سفان حریبه مزک تزیید و تقویه سی امنیه سیله بحرق بادی مخمرت اوله جق فدا کارلقلرده بولمیشنی بر صرده ملل سائر نیک امور بحریه سینه عائد کافه . خصوصاتی تعقیب و تدقیق فائده دن خالی اولمیه جغندن، رساله مذکورہ دن مستخرج بعض معلومات و ارقامی خلاصه آتی به قید اتمکی مناسب کوردک :

فرانسه حکومتک بوندن اؤن سنه مقدم ، یعنی ۱۹۰۱ سنه سنده بحریه سینه تخصیص ایتدیکی مبلغ (۳۴۰,۰۵۶,۶۰۰) فرانق اولدینی حالده کچن ۱۹۱۱ سنه سنده بحریه بودجه سنک یکونی (۴۱۷,۶۳۴,۵۵۰) فرانغه بالغ اولمش ، یعنی فرانسه مصارف بحریه سی اون سنه ده (۷۲,۵۷۷,۹۵۰) فرانق تزیید ایلشدر .

انگلتره حکومتک ۱۹۰۱ بحریه سی بودجه سی (۸۷۱,۸۰۷,۴۸۵) فرانق ایدی . بو بودجه کچن ۱۹۱۱ ده (۱,۱۱۲,۰۵۱,۱۷۵) فرانفی بولمشدر، که بوندن اون سنه لک تزییدک (۲۴۰,۲۴۳,۷۰۰) فرانق بریکون طوتدینی آکلاشیلور .

حکومت مذکورہ یالکیز ۱۹۱۲ - ۱۹۱۱ سنه لرنده یایکیدن دستکام انشایه وضع ایدیلجک و یاخود اولجه انشاسنه باشلانوبده ختامه ایردیریلجک اولان سفان جدیده ایچون تخصیص ایتدیکی مبلغ (۴۳۹,۱۷۱,۹۲۵) فرانق بر مقدار عظیمه بالغ اولمقده در .

روسیه نك ۱۹۰۱ سنه سنده كي مصارف بحريه سی (۲۳۳,۹۹۴,۱۵۰) فرانك ایدی . ۱۹۱۱ سنه سی بحريه بودجه سی ایسه (۳۳۱,۷۵۹,۴۰۰) فرانك وارمشد . شو حالده اون سنده مصارف (۹۷,۷۶۵,۲۵۰) میلیون آرتمش ديمكدر . مع مافیه بوتزایدك اڭ بیوك قسمی . مصارف دائمه دن دكل . انشآت جدیده دن ایلری كلكده در . چونكه معلوم اولدینی اوزره روسیه حكومتی ژاپونیا یاله اولان محاربه سنده ، قره دڭز دونخاسی مستقنا اولق اوزره . قواي بحريه سنك همان كافه سی ضایع ایلشدی . شمدي بالطق فیلوسنی تجیداً وجوده كتیرمك ایچون برچوق سفان حربیه بردن انشا ایتدیرمكه در كه مصارف بحريه سنده كي قبارقلق ده بالخاصه بوندن نشات ایلکده در .

آلمانیاه كالجه قن سنه دن بری قواي بحريه سی ایچون اڭ چوق مساعی صرف ایدن ، فداكارلق اختیار ایلان بو حكومتدر . فی الحقیقه آلمانیانك ۱۹۰۱ سنه سنده بحريه بودجه سی آنجق (۲۳۸,۲۵۰,۰۰۰) فرانك ایكن ۱۹۱۱ سنه سنده بو بودجه (۵۵۰,۷۹۴,۷۰۰) فرانك قدر یوكسلش ، یعنی اون سنه ده مصارف بحريه ایكي مثانی كچمشد . ۱۹۰۱ تاریخنده هر سنه انشآت جدیدیه تخصیص ایدیلان مبالغ (۱۱۶,۳۳۵,۰۰۰) فرانك اولدینی حالده صوك سنه لوده انشآت سنویه تخصیصاتی (۲۹۲,۷۷۱,۴۷۵) فرانكی بولش ، یعنی بوقسم مصارف ده ایكي بحق ملندن فضله تزايد ایتمشد .

ایتالیا دخی بواقن سنه ظرفنده مصارف بحريه سی . كندی وسائط مالیه سی اعتباریله ، يك زیاده یوكسلش ، عادتاً ضعفه ابلاغ ایلشد . چونكه ۱۹۰۱ ده بحريه بودجه سی (۱۲۲,۸۱۶,۵۲۵) فرانك دن عبارت اولدینی حالده ۱۹۱۱ ده (۲۰۹,۴۹۸,۵۰۰) فرانكی بولمشد . مع مافیه بومدت ظرفنده سفان مرتباتك عددی چوقلق آرتماشمدر . آنجق (۳۵۰۰) مقدارنده افراد جدیده علاوه ایلشد . ایتالیا حكومتی فضله مصارفی بالخاصه سفانك ، لوازم انشائیة نك . دستكاهلرك تجید و اصلاحنه حصر و تخصیص ایلشد .

متحدة آمریکا حكومتی اليوم بحريه سنه سنوی (۶۶۴,۶۱۴,۲۷۵) فرانك

صرف ایلکده در . ۱۹۰۱ سنه سی بودجه سنده ایسه یالکیز (۴۰۰,۳۱۰,۹۵۰)
مخصص بولمقده ایدیکه شواون سنده کی فرق تزاید (۲۶۴,۳۰۳,۳۲۵) فرانق
دیمکدر .

حکومات معظمه بحریه میانسه صوکنجی اوله رق و فقط یک ولوله دار و برشان
وشرف صورتده داخل اولان کوچک ژاپونیا به کلنجه اوده بحریه سی ایچون اختیار
ایندیکی فدا کارلق اعتباریله برنجیلر میسانده بولمقده در . فی الحقیقه حکومت
مذکورہ نلک ۱۹۰۱ سنه سنده مصارف بحریه سی یالکیز (۱۱۲,۱۴۷,۳۰۰) فرانق دن
عبارت بولندیفی حالده ۱۹۱۱ سنه سنده مصارف مذکورہ (۲۲۰,۰۷۵,۳۷۵)
فرانقه بالغ اولمش . یعنی بحریه بودجه سی (۱۰۷,۹۲۸,۰۷۵) فرانق - که تقریباً
برمثلی آرتمشدر .

بزم اوقن سنه اولکی بحریه مصارف مزه کلنجه، آنلک مقدارینی تعیین واستخراجی ده
طالم غیبیدن خبر ویرمک شانلرنندن اولان ارباب کهانلک قوه کشفیه لرینه حواله
ایلرز .

